

Chrestiens estoient dans leurs champs, & qu'ils pourroient estre surpris par leurs ennemis, entra dans la forest pour decouvrir si quelques Agnieronons n'estoient point en embuscade. Ils y estoient en effet, & deuant qu'il les eut decouverts, ils le transpercerent d'un coup d'arquebuse, luy couperent la teste, qu'ils laisserent, apres luy auoir enleué la chevelure. Ce bon Religieux estoit homme de cœur, tout plein d'amour pour les pauvres Sauvages. La charité qu'il leur portoit, luy a causé vne mort passagere, pour luy donner vne vie eternelle.

On fait mention dans vne Lettre particuliere, du courage d'une femme Algonquine, laquelle voiant son mary surpris & garroté par cinq Iroquois, prit vne hache